



Ўзбекистон Республикаси  
ИИВ нашри

ҚОНУНИЙЛИК ВА ҲУҚУҚ-ТАРТИБОТ УЧУН!

# POSTDA



Gazeta 1930-yil 12-maydan chiqqan boshlagan • E-mail: postda@evo.uz • 2015-yil 22-fevral, yakshanba • № 08(4109)

Ўзбекистон Республикаси Президентининг  
ФАРМОНИ

## ЎЗБЕКИСТОН RESPUBLIKASI FUҚAROLARI – 1941-1945 ЙИЛЛАРДАГИ УРУШ ВА МЕХНАТ ФРОНТИ FAХРИЙЛАРИНИ «ИККИНЧИ JAХОН УРУШИДАГИ ГАЛАБАНИНГ 70 ЙИЛЛИГИ» ЭСДАЛИК ЮБИЛЕЙ МЕДАЛИ БИЛАН МУКОФОТЛАШ ТЎҒРИСИДА

2015 йил 9 майда умумхалқ байрами – Хотира ва қадрлаш куни ўтказилиши, шунингдек, Иккинчи жаҳон урушида фашизм устидан қозонилган Галабанинг 70 йиллиги байрам қилиниши муносабати билан фашизм устидан қозонилган Галабага бебаҳо ҳисса қўшган Ўзбекистон фуқаролари – 1941-1945 йиллардаги уруш ва меҳнат fronti фахрийларини муносиб равишда ва иззат-икром билан шарафлаш мақсадида:

1. 1941-1945 йиллардаги Иккинчи жаҳон урушида фашизм устидан қозонилган Галабанинг 70 йиллиги шарафига «Иккинчи жаҳон урушидаги Галабанинг 70 йиллиги» эсдалик юбилей медали таъсис этилсин.

2. Белгилаб қўйилсинки, «Иккинчи жаҳон урушидаги Галабанинг 70 йиллиги» эсдалик юбилей медали билан Ўзбекистон Республикаси фуқаролари – «1941-1945 йиллардаги Улуғ Ватан урушида Германия устидан қозонилган галаба учун» ва «Япония устидан қозонилган галаба учун» медаллари билан, уруш йилларида жан-

говар хизматлари учун олинган бошқа орден ва медаллар билан мукофотланган ёки уруш қатнашчиси гувоҳномага ёхуд Ватан уруши ногирони гувоҳномаларига эга бўлган Иккинчи жаҳон уруши қатнашчилари ва ногиронлари, шунингдек, Иккинчи жаҳон уруши йилларида фидокорона меҳнати учун мукофотланган, шу жумладан, «1941-1945 йиллар Улуғ Ватан урушидаги шавкатли меҳнати учун», «Меҳнатдаги жасорати учун», «Меҳнатда ўрнатилганлиги учун» медалларига ёки 1941-1945 йиллардаги уруш даврида қуролли кучларда фуқаро шахсларни эркин ёллаш бўйича штат лавозимида бўлганлик тўғрисидаги гувоҳномага эга бўлган меҳнат fronti қатнашчилари мукофотландилар.

3. «Иккинчи жаҳон урушидаги Галабанинг 70 йиллиги» эсдалик юбилей медали тўғрисидаги Низом ва унинг тавсифи 1- ва 2-иловаларга мувофиқ тасдиқлансин.

(Давоми 2-бетда).

Ўзбекистон Республикаси Президентининг  
ҚАРОРИ

## «КЕКСАЛАРНИ ЭЪЗОЗЛАШ ЙИЛИ» ДАВЛАТ ДАСТУРИ ТЎҒРИСИДА

Кексаларнинг ҳаёт даражаси ва сифатини янада яхшилаш, уларни моддий ва маънавий қўллаб-қувватлаш кўламини кенгайтириш, ёши улуғ инсонлар, айниқса, 1941-1945 йиллардаги уруш ва меҳнат fronti фахрийларига ижтимоий, пенсия таъминоти ва тиббий хизмат кўрсатишни такомиллаштириш, оила ва жамиятда, ёшларни ўзбек халқининг кўп асрлик қадрият ва анъаналари руҳида тарбиялашда кексаларнинг ўрнини мустаҳкамлаш мақсадида, шунингдек, 2015 йилнинг «Кексаларни эъзозлаш йили» деб эълон қилиниши муносабати билан:

1. «Кексаларни эъзозлаш йили» Давлат дастурини амалга оширишнинг устувор вазифа ва йўналишлари этиб қуйидагилар белгилансин:

кексаларга гамхўрлик кўрсатиш ва эътиборни кучайтириш, уларнинг ҳаёт даражаси ва сифатини ошириш учун қулай ташкилий-ҳуқуқий шарт-шароитлар яратишга қаратилган қонунчилик ва меъёрий-ҳуқуқий базани янада такомиллаштириш, пен-

сия таъминоти ва ижтимоий қўллаб-қувватлаш тизимини такомиллаштириш, ёши улуғ инсонларга давлат хизматлари, шу жумладан, турли маълумотнома ва тасдиқловчи ҳужжатларни олиш хизматлари кўрсатишнинг энг қулай тизимини шакллантириш;

кексалар, авваламбор, фашизм устидан қозонилган галаба ва Ватаннинг қайта тиклашга муносиб ҳисса қўшган 1941-1945 йиллардаги уруш ва меҳнат fronti фахрийларини манзилли ижтимоий ҳимоя қилиш ва қўллаб-қувватлашни кучайтириш, ёши улуғ инсонлар, биринчи навбатда, ёлғиз қариялар ва ногиронларга кўрсатиладиган ижтимоий ва маиший хизматлар рўйхатини кенгайтириш, уларни фаровон ва муносиб турмуш шароитлари билан таъминлаш учун маҳаллалар, «Нуроний» жамғармаси, бошқа нодавлат ташкилотлари ва ижтимоий тузилмалар томонидан моддий ва маънавий қўллаб-қувватлаш миқёсини ошириш;

(Давоми 2-бетда).

«Намунали милиция таянч пункти» республика кўрик-танлови якунланди

Профилактика инспектори маҳалланинг ҳам кўзи, ҳам қулоғи бўлиши лозим.  
Ислом КАРИМОВ

## ТИНЧЛИК ПОСБОНИ, ФАРОВОНЛИК ТАЯНЧИ



Юртимизда ҳукм сураётган тинчлик, осойишталикни сақлаш ва мустаҳкамлашда барча ҳуқуқ-тартибот органлари қатори ички ишлар идораларининг ҳам муносиб ҳиссаси бор. Айниқса, юртимизнинг йирик шаҳарларию энг чеккасидаги тоғли, чўл ҳудудларида, қишлоғу овулларида фуқаролар билан ҳамнафас бўлиб хизмат қилаётган профилактика инспекторларининг ўрни алоҳида аҳамиятга моликдир.

Шу боис ҳам ички ишлар идораларининг муҳим тизимларидан бири бўлган профилактика хизматига Президентимиз ва ҳукуматимиз томонидан катта эътибор берилаяпти. Айнан профилактика хизматини такомиллаштириш борасидаги Президентимиз Фармони ва ҳукумат қарорлари фикримиз-

нинг далилидир. Жойларда бу муҳим ҳуқуқий ҳужжатларнинг амалдаги ижобати юзасидан бажарилаётган ишлар кўлами ҳам салмоқли бўлмоқда. Биринчи галда профилактика инспекторларининг фуқароларнинг ўзини ўзи бошқариш органлари вакиллари ва аҳоли билан ҳамкорликда фаолият

юретишлари учун қулай шарт-шароитлар яратилган. Бунинг учун милиция таянч пунктларининг асосий қисми шаҳарча, қишлоқ, кўрғон, овул ва маҳалла фуқаролар йиғинлари билан бир бинода жойлаштирилган. Бу масканларда фуқароларни ташвишга солаётган масалалар, оилавий муаммолар профилактика инспекторлари, фуқаролар йиғини раислари, «Маҳалла посбони» жамоат тузилмаси раҳбарлари, диний маърифат ва маънавий-ахлоқий тарбия масалалари бўйича маслаҳатчилар, Хотин-қизлар кўмитаси бошланғич ташкилоти раислари билан ҳамкорликда ҳал этилмоқда.

Шу билан бирга, профилактика инспекторларининг билими ва маҳоратини ошириб боришга ҳам катта эътибор қаратилган. Президентимиз таъкидлаганидек: «Профилактика инспекторларининг малакаси ва профессионал маҳоратини ошириш гоёта муҳим вазифалардан биридир. Юксак профессионализм, ҳушмуомалалик, одамлар орасига кириб бориш, ёшлар қалбига йўл топа билиш, оила ва мактаб ўртасида мустаҳкам алоқа ўрнатиш – ҳар бир профилактика инспекторининг асосий хусусиятлари бўлмоғи даркор».

(Давоми 8-9-бетларда).

## «Намунали милиция таянч пункти» республика

## ТИНЧЛИК ПОСЬБОНИ,

(Давоми. Бошланиши 1-бетда).



Милиция таянч пункти ички ишлар идораларининг фуқаролик жамияти билан ҳамкорлик маскани эканлиги амалда ўз исботини топиб, халқимиз томонидан эътироф этилган. Шу боис ҳам йилдан йилга уларнинг сони ортиб бормоқда. Ўтган йилнинг ўзида республикамиз бўйича яна 46 та милиция таянч пункти ташкил этилиб, уларнинг умумий сони 3758 тага етди. Милиция таянч пунктиларининг инфратузилмасига ҳам катта эътибор бериллаётгани боис, уларнинг асосий қисми замонавий услубда таъмирланди, янгидан қурилди, қўшимча хоналар ажратиб берилди ва қишлоқ, маҳалла гузарларининг энг кўркам биносига айланди. Мавжуд милиция таянч пунктиларининг 84,2 фоизи ҳудудда спорт майдончалари, 77 фоизда факультатив тўғараклар, 78 фоизи атрофида эса кичик бизнес шохобчалари ташкил этилган.

Шу ўринда профилактика инспекторларининг фуқароларнинг ўзини ўзи бошқариш органлари фаоллари, давлат ва жамоат ташкилотлари вакиллари, ички ишлар идораларининг бошқа соҳавий хизматлари ходимлари билан ҳамкорликда, ҳамжиҳатликда ишлаётгани кутилган натижаларни бераётганини айтиб ўтиш жоиз. Энг муҳими, кўзланган мақсадга эришилмоқда, яъни жойларда ҳуқуқбузарлик ва жиноятлар камайиб бормоқда. Шуниси қувонарлики, ўтган йили республикамизнинг 2175 та қишлоқ ва маҳаллаларида бирорта ҳам жиноят содир этилишига йўл қўйилмади. Аънамага айланиб қолган «Намунали милиция таянч пункти» республика кўрик-танловини ўтказишдан кўзланган мақсад ҳам милиция таянч пунктиларининг нуфузини ошириш, профилактика инспекторлари фаолиятини янада такомиллаштириш, уларнинг кенг жамоатчилик билан ҳамкор-

лигини мустаҳкамлашдан иборат.

Ўзбекистон Республикаси Ички ишлар, Меҳнат ва аҳолини ижтимоий муҳофаза қилиш, Олий ва ўрта махсус таълим, Халқ таълими, Маданият ва спорт ишлари вазирликлари, Хотин-қизлар қўмитаси, «Маҳалла» хайрия жамоат фонди республика бошқаруви, «Камолот» ёшлар ижтимоий ҳаракати марказий кенгаши, Миллий ахборот агентлиги, Ўзбекистон миллий телерадиокомпанияси, «Тасвирий ойна» ижодий уюшмаси, Республика маънавий тарғибот маркази, Савдо-саноат палатаси, «Оила» илмий-амалий маркази, Ўзбекистон касаб уюшмалари федерацияси кенгашининг қўшма қарорига мувофиқ ўтказилган келинаётган «Намунали милиция таянч пункти» республика кўрик-танловининг шаҳар, туман ва вилоят бошқичлари зўр кўтаринки руҳда ташкил этилди. Тадбирга тайёргарлик кўриш жараёнида жойлардаги милиция таянч пунктиларининг аҳоли кўздан кечирилиб, ички ишлар идоралари, ҳомий ташкилотлар томонидан зарур ёрдам кўрсатилиб, таъмирланди, жиҳозланди. Кўрик-танловнинг вилоят бошқичида голиб бўлганлар республика бошқичида иштирок этиш учун пойтахтимизга йиғилдилар.

Бу муҳим тадбир олди-дан ИИБ Маданият саройида кўрик-танлов иштирокчилари учун семинар ташкил этилди. Қорақалпоғистон Республикаси ИИБ, Тошкент шаҳар ИИББ ва вилоятлар ИИБ ҲОББ бошқичлари профилактика хизматининг самарадорлигини ошириш, профилактика инспекторларининг шаҳарча, қишлоқ, овул, маҳалла фуқаролар йиғинлари фаоллари, давлат ва жамоат ташкилотлари вакиллари билан ҳамкорлигини ташкил этиш борасидаги тажрибалари билан ўртоқлашдилар. Бу борада амалга оширилаётган ишлар

ҳақида видеоларлар намойиш этилди.

«Намунали милиция таянч пункти» республика кўрик-танловининг якуновчи босқичи куни кеча пойтахтимиздаги муҳташам «Туркистон» саройида бўлиб ўтди. Байрамона безатилган санъат кошонасига карнай-сурнайлар садоси остида республикамиз пойтахти ҳамда вилоятларнинг шаҳар, қишлоқ, овул, маҳаллаларида хизмат қилаётган профилактика инспекторлари, фуқароларнинг ўзини ўзи бошқариш органлари фаоллари, меҳмонлар кириб келдилар. Ҳар йилдагидек сарой фойеси ва иккинчи қаватида кўргазмалар ташкил этилган. Кўргазмаларда республикамиз вилоятларидо қадим-қадимдан давом этиб, мустақиллик йилларида янада ривож топаётган хунармандчилик буюмлари, қўли гул уста, чеварлар томонидан тайёрланган сопол идишлар, каштачилик намуналари қўйилган. Кимдир миллий кашталарга кўз тикиб завқланса, яна бошқаси хунармандчилик буюмини қўлга олиб, ижодкорига тасанно айтади. Кўргазмаларни айланиб, иштирокчиларни суҳбатга тортидик.

– Маҳалламиз асосан кўп қаватли уйлardan иборат бўлиб, ўндан ортиқ миллил вакиллари истиқомат қилади, – дейди Урганч шаҳридаги «Кўҳна қалъа» маҳалла фуқаролар йиғини раиси Малика Олланазарова. – Кўни-қўшнилари бир-бирлари билан тотув, оилалар тинч, тўй-маъракаларда бир-бирига елкадош. Гоҳ-гоҳида учраб турадиган келиш-мовчиликларни маҳалланинги ўзида ҳал қиламиз. Энг муҳими, бекорчи, ишсиз юрганларга бефарқ бўлмай, тезда қорхона, ташкилотлар билан келишиб, ишга жойлаб қўямиз. Бекорчидан эл безор деб бежиз айтишмайди. Мана шу намойиш этилаётган барча буюмлар маҳалламиз хунармандлари томонидан тайёрланган.

Кенг экранли телеви-

зорда ўсмирларнинг спорт билан шуғулланаётганлари намойиш этилмоқда. Кўргазмага яқинлашдик.

– Мен хизмат кўрсатаётган «Икром қарвон» маҳалла фуқаролар йиғинида уч йилдан бери бирорта ҳам вояга етмаганларнинг ҳуқуқбузарлик қилгани ёки жиноят ишларига аралашиб қолган ҳолати учрамади, – дейди Навоий вилояти Хатирчи тумани ИИБ ҲОББ ВЕЎН ва ХПГ инспектори, лейтенант Суннатилло Нормуродов. – Бунга аввало, ота-оналарнинг фарзандларига нисбатан бефарқ бўлмай, доимий назорат қилиб туришлари орқали эришдик. Ўғил-қизларнинг маҳалладаги тўғараклар, айниқса спорт турлари билан шуғулланишлари учун етарли шарт-шароит яратилган. Яқинда куриб битказилган спорт мажмуасида ўндан ортиқ тўғараклар ташкил этилган. Маҳаллаларо спорт мусобақаларини ташкил этишда ота-оналарнинг ўзлари бошқош бўлиб, ҳомийлик қилишади.

– Аҳоли сонининг ўсиб бориши, янги-янги уй-жойлар қурилиб, кўча, маҳаллалар сонининг ортиши янги милиция таянч пунктиларини ташкил қилишни тақозо этмоқда,

муомала қилаётган аёлни суҳбатга тортидик.

– Мен Термиз туманидаги «Солиобод» маҳалла фуқаролар йиғини хотин-қизлар қўмитаси бошланғич ташкилотининг раиси Гулчеҳра Дўсиева бўлман, – деди у. – Мана шу эгнимдаги либослар, мана бу дўппи, сўзана, гиламчалар, жойпўшларни маҳалламиз аёллари тўқишган, тикишган. Болажонлар учун юмшоқ ўйинчоқлар ҳам маҳалламизда тайёрланади. Бизда хунармандчиликка катта эътибор берилган, кичик цехлардан ташқари, касаначиликни ҳам йўлга қўйганмиз. Тадбиркор аёллар сони ортиб бормоқда. Аллақачон деҳқончиликни бошлаб, эртаги экинларни экаяпмиз. Ҳадемай бозорларга кўкатлар етказиб берамиз.

Саройга Ўзбекистон Республикаси Бош вазири ўринбосари, милиция таянч пункти раиси инфратузилмасини такомиллаштириш бўйича Республика мувофиқлаштириш комиссияси раиси А. Икромов, Ўзбекистон Республикаси Бош вазири ўринбосари – Ўзбекистон Хотин-қизлар қўмитаси раиси Э. Баситханова, Ўзбекистон Республикаси Ички ишлар вазири, генерал-

публикадан чиқиб кетишининг олдини олишининг энг мақбул йўли эканлигини таъкидлаб, маҳалла фуқаролар йиғини бу борада бош-қош бўлиши лозимлигини айтиб ўтди. Наманганликлар билан эса вояга етмаганлар ўртасида жиноятчиликнинг олдини олиш юзасидан амалга оширилаётган ишлар хусусида сўз борди. Ҳар бир милиция таянч пункти атрофида ташкил этилаётган хунармандчилик тўғаракларига болаларни жалб этиш, унинг аҳамиятини ота-оналарга тушунтириш, ўғил-қизларнинг спорт билан шуғулланишлари учун зарур шарт-шароитлар яратиб берилишига эришиш керак бўлади. Генерал-лейтенант А. Ахмедбаев Андижон вилоятида ёшларнинг ишлаш учун хорижга кетиб қолишларининг олдини олиш юзасидан фуқароларнинг ўзини ўзи бошқариш органлари ва ички ишлар идораларининг ҳамкорликдаги ҳаракатлари қандай самара бераётгани билан қизиқиб, фикр-мулоҳазаларини билдирди. Навоий вилоятида коллежни тамомлаган ўқувчиларни иш билан таъминлаш масаласи қандай ҳал этилаётгани ва хунармандчилик ишларига



– дейди Наманган вилояти ИИБ ҲОББ бошлиғи, подполковник Бахтиёр Турсунбоев. – Ўтган йилнинг ўзида вилояти-мизда йиғирмата милиция таянч пункти янгидан ташкил этилди. Туман ҳокимликлари, ҳомий ташкилотлар томонидан замонавий услубда қурилган биноларда маҳалла фуқаролар йиғини ҳам жойлашган бўлиб, компьютер жамланмаси, алоқа воситалари билан таъминланди. Маҳалла фаоллари билан профилактика инспекторининг биргаликда, ҳамжиҳатликда фаолият кўрсатишлари учун зарур шарт-шароитлар яратилган.

Сурхон воҳасига хос миллий либос кийиб, келганларга очик чехра билан

лейтенант А. Ахмедбаев, Ўзбекистон Республикаси Ички ишлар вазири ўринбосари, полковник Б. Курбанов ҳамда бир қатор вазирликлар, идоралар ва жамоат ташкилотларининг раҳбарлари ташриф буюриб, кўргазмаларни кўздан кечиришди. Ўзбекистон Республикаси Бош вазирининг ўринбосари А. Икромов ва генерал-лейтенант А. Ахмедбаев кўрик-танлов иштирокчилари билан дилдан суҳбатлашди.

Фарғона вилоятидан келган иштирокчилар билан тадбиркорликни ривожлантириш борасидаги ишлар юзасидан суҳбат бўлди. Вазир тадбиркорларнинг кўпайиб, янги иш ўринлари очилиши ёшларнинг узоқ муддатга рес-

ўғил-қизларни кенг жалб этилаётганини кўрик-танловга келган навоийликлар сўзлаб беришиб, айнан ўқувчилар томонидан тайёрланган уй-рўзғор буюмларини намойиш этидилар. Бухоро ва Қашқадарё вилоятидан келган иштирокчилар билан суҳбат мактабларда давомат, ўқувчиларнинг бўш вақтини қандай ўтказаятгани, узоқ муддатга республикадан чиқиб кетганлар билан олиб борилаётган ишлар хусусида бўлди. Республика Бош вазири ўринбосари Э. Баситханова Сурхондарё вилоятида коллежни битирган қизларни ишга жойлаштириш масаласи билан қизиқди. Кейинги пайтда вилоятда аёллар ўртасида жиноятлар содир этилаётгани,



